



大清會典卷之七十六

禮部儀制司

學校二

學制員額

順治四年。定直隸各省儒學。視人文之多寡。分大學。中學。小學。大學取生員四十名。中學取三十名。小學取二十名。○又定直省各學廩生。府學四十名。州學三十名。縣學二十名。衛學十名。增廣生額數同。○十五年。題准儒童入學。大府取二十名。大州縣取十五名。小學取四五名。○十六年。題准順天府儒童入學。取二十五名。宛

平大興二縣各取二十名。○康熙九年題准各直省考取儒童府學二十名大州縣學十五名中學十二名小學七名或八名各省不等。○二十八年。

諭江浙人文繁盛增廣入學額數遵

旨議定小學取生員十二名中學取十六名大學取二十名府學取二十五名。○又覆准貴州貴筑縣係兩衛歸併之縣人文漸盛照小學例考取生員八名即令新貴教官兼攝武生廩貢俱照例舉行。至永寧獨山麻哈普定平越都勻鎮遠安

化龍泉銅仁永從十一州縣向未設學應試之人於附近州縣考試其入學額數仍於各原額內考取冊內註明係何州縣人報部。○又議准四川奉節縣爲夔府首邑又兼大寧歸併人文漸盛應復設學照小學例考取生員八名。○三十一年覆准貴州安化縣係思南府首邑照貴筑縣例考取文武生員各八名其學務即令府學教官兼攝其廩貢照例舉行。○又覆准滇省自平定以來人文漸盛將師宗州復設學正一員元謀縣復設訓導一員定邊縣復設訓導一

員。以專訓迪。照小學例。各取進文武童生八名。馬龍州。寧州。呈貢縣。照中學例。各取進文武童生十二名。其廩貢。俱照例舉行。○三十三年。覆准。宣化府學生員。酌撥二名以足數。宣化。懷安。二縣作大學。定額十五名。懷來。萬全。蔚。三縣作中學。定額十二名。西寧。龍門。赤城。三縣作小學。定額八名。其挨廩出貢。俱照例行。武生亦隨文生額取。○三十八年。

諭。江南浙江人文稱盛。入學名數。前已增額。今著於府學大學中學小學。各增取五名。舉行一次。以示獎勵。

人材至意。○四十二年。覆准。河南考城。柘城。溫。登封。四縣。本係小學。改爲中學。取進童生十二名。○四十四年。題准。湖廣黃梅縣。改復大學。雲夢。桂陽。二縣。改復中學。照例考取。○四十八年。覆准。陝州葉縣。將中學改爲大學。照例取進童生十五名。○又覆准。福建興化府府學。悉由莆田縣撥取。仙遊縣童生。相沿不准撥入。偶有拔取。紛呶不已。直省各府府學。於各州縣童生內量撥。惟福建興化府。但撥取莆田童生。而不撥仙遊。與例不符。嗣後興化府學。著將莆田。仙遊。二縣

童生一體酌量撥取。○五十年覆准。廣西西隆州自改流以來。從未建學。今已建學宮。嗣後歲科兩考取進文生各六名。歲考取進武生六名。撥武緣縣學訓導一員。移駐西隆州以專督課。○五十一年覆准。廣西西隆州學宮已成。文廟照例丁祭。生員補廩四名。增生五名。三年兩次出貢。凡祀典廩糧旗匾等項。俱於本州地糧內支給。○五十三年覆准。乾州鎮溪所修建學宮。照五寨司例。取進文武童生各八名。以瀘溪縣訓導就近兼攝。其春秋丁祭銀兩。於本所錢

糧內支給。○五十四年覆准。湖北安陸府首邑鍾祥縣。向未設學。取進文武生童。統附府學教授兼攝。今准創建學宮。增設教諭訓導各一員。其春秋丁祭及教職俸薪銀兩。俱照各縣學成例支給。○又覆准。直隸人文日衆。增廣學額。除順天府學。大興宛平縣學。名數與江浙同。無庸加增外。其餘府學定額各二十名。今增三名。共取進二十三名。州縣衛大學各十五名。今增三名。共取進十八名。中學定額各十二名。今增三名。共取進十五名。小學定額八名。今增二名。共

取進十名。○又覆准。貴州安順府南籠廳。照湖廣鎮溪所例。設立學校。取進文武童生各八名。分普安縣訓導專司學務。○五十五年。覆准。湖廣岳州府湖西六屬。限隔洞庭。赴試恐致漂溺。嗣後於澧州另建考棚。其原撥府學文武舊生。令府學教官清查。分造二冊。將府學訓導改駐澧州。考試時。東四屬令教授造冊送考。其西屬令訓導造冊送考。文武童生。照直隸州例。令澧州知州考送。學臣撥進府童。卽於本地發案。廩增額數。亦各分一半。出貢。亦各輪貢一年。○五

十七年。覆准。江南寧國府南陵縣。賦稅額多。著改中學爲大學。考取文武童生二十名。○五十八年。覆准。浙江金華府之武義縣。賦稅多於浙中中學之縣。向照小學例考取童生。嗣後改照中學考取。○又覆准。江西贛州府興國縣。賦役殷盛。著改小學爲中學。取進童生十二名。○五十九年。題准。浙江衢州府西安縣孔氏。本

至聖嫡裔。自宋南渡遷浙。歷今。讀書人多。嗣後於歲科正額外。取入童生二名。○又覆准。河南襄城縣。供賦額多。著將中學改爲大學。取進童生十

五名。○又覆准。貴州省平越府屬之黃平州。向與興隆衛爲兩中學。因裁去衛學。歸併黃平爲一中學。今應試之童生數倍於前。應將黃平州學改爲大學。取進文武童生各十五名。○又覆准。四川東川府。照烏蒙府例。歲科兩考各取進文生員十五名。歲考取進武生十五名。自康熙六十年爲始。其補廩出貢。俟人文漸盛。該督再行具題。○又覆准。山西太平縣。向係中學。今改爲大學。取進童生十五名。浮山縣。向係小學。今改爲中學。取進童生十二名。○六十年。覆准。江

學南銅陵縣學。向係小學。今改爲中學。○六十年。恩詔。直隸各省儒學。大學加取七名。中學加取五名。小學加取三名。○雍正元年。覆准。直省各府學。亦

恩詔內大學例。加取七名。○又覆准。

盛京奉錦二府。遵康熙六十一年

恩詔各學廣額。於原額七名者。加取七名。四五名者。加取四五名。二名者。加取二名。滿合字號。六名者。加取六名。四名者。加取四名。○二年。覆准。廣

西西林縣。久同西隆州。改土歸流。照五十年西隆州建學定額例。歲科試取進文童生各四名。歲試取進武童生四名。卽將思恩府訓導一員移駐西林縣。專司督課。○又

諭。我

聖祖仁皇帝壽考作人。六十年來。山陬海澨。莫不家絃戶誦。直省應試童子。人多額少。有垂老不獲一衿者。其令督撫會同學臣。查明實在人文最盛之州縣。題請小學改爲中學。中學改爲大學。大學照府學額取錄。督撫等務宜秉公詳查。不得徇私冒濫。

遵

旨查核題准。直隸順天府大興宛平。一學實分五學。今照三大學例俱加七名。各取進二十五名。文安通州寶坻豐潤蠡縣高陽河間任邱景州冀州定州南宮棗強清豐滑縣東明開州長垣等十八州縣。向係大學。今照府學額。各取進二十三名。薊州盧龍遷安昌黎樂亭博野祁州安州新安獻縣阜城靜海寧津天津衛萬全蔚縣衡水安平雞澤成安清河魏縣南樂內黃等二十四州縣。向係中學。今改爲大學。取進各十八

名。又香河。順義。深澤。青縣。西寧。靈壽。行唐。贊皇。
新河。高邑。無極。新樂。曲陽。廣宗。唐山。內邱。等十
六縣。向係小學。今改爲中學。取進各十五名。江
南。蘇。松。等所屬之上元。江寧。句容。溧陽。太倉。長
洲。吳縣。吳江。常熟。崑山。嘉定。華亭。婁縣。上海。青
浦。武進。無錫。江陰。宜興。丹徒。丹陽。金壇。邳州。山
陽。鹽城。高郵。通州。泰州。江都。儀徵。泰興。興化。等
三十二州縣。向係大學。今照府學額。各取進二
十五名。溧水。高淳。崇明。海州。清河。桃源。安東。宿
遷。睢寧。沭陽。寶應。如臯。等十二州縣。并金山一

衛。向係中學。今改爲大學。各取進二十名。江浦。
六合。贛榆。等三縣。向係小學。今改爲中學。各取
進十六名。其海門。鄉。向係海門縣。後裁併通州。
另取六名。今准其增額四名。安徽所屬之懷寧。
桐城。宣城。涇縣。鳳陽。廣德。等六州縣。向係大學。
今照府學額。各取進二十五名。潛山。太湖。宿松。
黟縣。寧國。旌德。太平。貴池。青陽。建德。當塗。蕪湖。
無爲。六安。泗州。合肥。宿州。亳州。含山。建平。等二
十州縣。向係中學。今改爲大學。各取進二十名。
望江。東流。繁昌。舒城。廬江。臨淮。定遠。蒙城。懷遠。

等九縣。向係小學。今改爲中學。各取進十六名。
江西之南昌。新建。豐城。高安。宜春。清江。廬陵。吉
水。安福。臨川。金谿。南城。新城。上饒。鄱陽。贛縣。寧
都。等十七縣。向係大學。今照府學額。各取進二
十名。奉新。永新。宜黃。東鄉。南豐。廣昌。貴溪。餘干。
星子。都昌。建昌。德化。湖口。太庾。等十四縣。向係
中學。今改爲大學。各取進十五名。萍鄉。峽江。玉
山。安仁。安義。瑞昌。南康。石城。等八縣。向係小學。
今改爲中學。各取進十二名。浙江之仁。和。錢塘。
海寧。嘉興。秀水。嘉善。海鹽。平湖。烏程。歸安。德清。

鄞縣。慈谿。山陰。會稽。諸暨。餘姚。臨海。金華。蘭谿。
西安。建德。淳安。永嘉。麗水。等二十五縣。向係大
學。今照府學額。各取進二十五名。奉化。新昌。嵊
縣。天台。永康。常山。瑞安。平陽。等八縣。向係中學。
今改爲大學。各取進二十名。於潛。昌化。湯溪。江
山。等四縣。向係小學。今改爲中學。各取進十六
名。又定海縣。向止額取十一名。今改爲小學。取
進十二名。福建之閩縣。侯官。長樂。福清。莆田。仙
遊。晉江。南安。惠安。同安。安溪。龍溪。漳浦。海澄。南
靖。平和。南平。建安。甌寧。建陽。崇安。邵武。長汀。上

大清會典 卷七十一 禮部 二十一
九
杭永定福寧州等二十六州縣向係大學今照
府學額各取進二十名連江福安二縣向係中
學今改爲大學各取進十五名永春德化尤溪
向係小學今改爲中學各取進十二名湖北之
江夏武昌興國州黃岡蘄水黃梅黃陂京山天
門沔陽州孝感江陵公安石首監利襄陽等十
六州縣向係大學今照府學額各取進二十名
大冶雲夢二縣向係中學今改爲大學各取進
十五名應山縣原係小學今改爲中學取進十
二名湖南之長沙善化湘潭茶陵攸縣益陽衡

陽衡山耒陽零陵祁陽邵陽武岡新化巴陵華
容澧州武陵桃源會同郴州靖州等二十六州
縣向係大學今照府學額各取進二十名湘鄉
寧鄉常寧安鄉漵浦永興桂陽等七縣向係中
學今改爲大學各取進十五名辰谿向係小學
今改爲中學取進十二名山東之歷城章邱秦
安州萊蕪德州武定州濱州滋陽滕縣濟寧州
魚臺單縣曹州曹縣東平州沂州四氏學聊城
高唐州濮州益都壽光安邱諸城掖縣膠州蓬
萊萊陽等二十六州縣向係大學今照府學額

各取進二十名。新城。濟陽。長清。陽信。海豐。樂陵。
商河。利津。霑化。寧陽。鄒縣。城武。定陶。鉅野。鄆城。
汶上。東阿。陽穀。堂邑。茌平。館陶。臨淄。昌樂。莒州。
日照。高密。卽墨。棲霞。寧海州。文登。等三十州縣。
向係中學。今改爲大學。各取進十五名。嶧縣。費
縣。觀城。高苑。蒙陰。等五縣。向係小學。今改爲中
學。各取進十二名。山西之陽曲。榆次。文水。臨汾。
洪洞。曲沃。翼城。聞喜。汾陽。介休。忻州。代州。長治。
蒲州。臨晉。猗氏。解州。安邑。澤州。高平。陽城。絳州。
太平。襄陵。等二十四州縣。向係大學。今照府學

額。各取進五名。絳縣。臨縣。大同。蔚州。朔州。遼
州。柔定州。孟縣。醇縣。夏縣。沁州。稷山。等十二州
縣。向係中學。今改爲大學。各取進十五名。黎城。
壺關。繁峙。保德州。興縣。吉州。隰州。等七州縣。向
係小學。今改爲中學。各取進十二名。又太原。平
陽。二府府學。向係所屬州縣內撥取。今太原府
分設直隸諸州。屬府轄者。止存十一州縣。平陽
府分設直隸諸州。屬府轄者。亦止存十一州縣。
不便將州轄之童生。照舊撥入府學。令學臣將
府學二十名。卽於府屬各州縣撥入。其蒲州等

十三州縣。除聞喜縣已屬平陽府撥入府學外。其餘十一州縣。照舊例聽往運學考試。河南之祥符。杞縣。太康。陳州。商邱。永城。鹿邑。睢州。安陽。河內。洛陽。等十一州縣。向係大學。今照府學額。各取進三十名。陳留。通許。中牟。西華。臨漳。濟源。武陟。孟縣。溫縣。偃師。靈寶。等十二縣。向係中學。今改爲大學。各取進十五名。滎陽。原係中學。後改小學。今准復爲中學。取進十五名。原武。長葛。臨潁。三縣。向係小學。今改爲中學。各取進十二名。陝西之蒲城縣。及寧夏等衛。向係大學。今照

府學額。各取進二十名。咸陽。同州。乾州。武功。鄠縣。興平。膚施。洛川。清澗。寶雞。城固。興安州。涇州。安化。會寧。文縣。伏羌。秦安。等十八州縣。向係中學。今改爲大學。各取進十五名。三水。商州。安平。葭州。汧陽。沔縣。鎮原。盛寧。禮縣。等九州縣。向係小學。今改爲中學。各取進十二名。華陰縣。向係中學。今潼關衛裁去衛籍。併入華陰縣。准照府學額。取進二十名。鳳翔。慶陽。二府學。向止取十五名。今俱准如府學定例。各取進二十名。鎮番衛。向係小學。今人文最盛。特改爲大學。取進十

五名。平涼府向係中學。有平涼衛籍八名。附入府學。今衛籍雖裁。仍准如府學定例。取進二十名。涼州衛向係中學。今改爲大學。取進十五名。古浪所向取童生八名。附入涼學。涼學廩增舊止二十名。今增古浪所八名。准加廩增各十名。其出貢舊照縣學例。兩年一貢。今照州學例。三年兩貢。四川之成都。崇慶州。簡州。閬中。南部。遵義。眉州。邛州。雅州。瀘州。等十州縣。向係中學。今改爲大學。各取進十五名。嘉定州向係大學。今照府學額。取進二十名。溫江。新繁。新津。郫縣。巴

縣。江津。南充。宜賓。富順。奉節。綏陽。洪雅。遂寧。等十三州縣。向係小學。今改爲中學。各取進十二名。廣東之南海。番禺。東莞。順德。新會。香山。海豐。海陽。潮陽。揭陽。澄海。等十一縣。向係大學。今照府學額。各取進二十名。三水。增城。保昌。英德。興寧。長樂。龍川。程鄉。饒平。儋州。等十州縣。向係中學。今改爲大學。各取進十五名。新寧。和平。永安。大埔。惠來。平遠。鎮平。開平。吳川。東安。西寧。等十一縣。向係小學。今改爲中學。各取進十二名。廣西之臨桂。全州。蒼梧。鬱林州。懷集。宣化。橫州。新

寧州賓州上林等十州縣。向係大學。今照府學額。各取進二十名。靈川興安灌陽桂平貴縣隆安永淳武緣等八縣。向係中學。今改爲大學。各取進十五名。平南向係小學。今改爲中學。取進十二名。雲南之昆明安寧州晉寧州宜良南寧尋甸州建水州石屏州通海河西河陽新興州太和趙州鄧州浪穹劍川州保山騰越州楚雄等二十州縣。向係大學。今照府學額。各取進二十名。呈貢陸涼州霑益州寧州阿迷州蒙自雲南賓川州等八州縣。向係中學。今改爲大學。

各取進十五名。和曲州向係小學。今改爲中學。取進十二名。再准該撫所請將黑白琅三井於州縣外另爲設學。俱照小學各取進八名。貴州之貴陽威寧三府學。向止各取十五名。鎮遠府學。向止取十六名。今俱准如黔省府學定例。各取進二十名。貴筑縣向係大學。今照府學額。取進二十名。畢節縣向係中學。今改爲大學。取進十五名。貴定清鎮普定甕安安化等五縣。向係小學。今改爲中學。各取進十二名。○三年。覆准廣西西林縣太平土州。初行設學。不便遽補廩

增。俟兩經歲科考後。生員額多。照西隆州例。酌量補廩二名。其出貢俟補廩十年後。照縣學例。兩年一貢。所用廩糧旗匾。於西林縣地糧銀內動支。每年造冊奏銷。○又覆准。新改直隸州及該州所轄之縣。嗣後考試童生。無庸撥入府學。止於府屬各州縣內。擇其文優者撥取。至從前撥入府學之生員。不必令其改歸。○又覆准。廣西崇善。荔波二縣。原係土屬。改流已久。未設學校。士子進身無階。照西林縣例。歲科兩試。取進文生員各四名。歲試取進武生四名。將太平府

訓導撥駐崇善縣。宜山縣訓導撥駐荔波縣。專司督課。其祀典廩米等項。於各該縣地丁銀兩內動支。○又覆准。黔省南籠廳。設學已經十年。人文繁盛。照小學例。開廩缺二十名。歲科兩試。挨次撥補。其訓導學記。照例鑄給。○四年。覆准。山西新設朔平。寧武二府。增設府學。各取進文童生二十名。朔平府所屬右玉縣。取進十五名。左雲。平魯。二縣。取進八名。大同府屬之陽高。天鎮。二縣。各取進八名。寧武府屬之寧武縣。取進十二名。偏關縣。取進十五名。神池。五寨。二縣。

各取進八名。至各學廩增歲貢。俱照晉省大中
小學例添設。○又議准。東州府改隸雲南。康熙
五十年。照中學例取進童生十五名。其教職
諸事。令知府兼攝。知府有地方之責。何能並司
訓迪。嗣後添設教授二員。給以印信。專司學校。
其應試童生無多。照小學例。取進十名。至再議
加額。及補廩出貢。仍俟人文漸盛。督撫具題。
凡八旗滿洲蒙古漢軍入學。崇德間。於
盛京建立學校。考取儒生。順治八年。題准。滿洲蒙
古漢軍子弟。歸順天府考試。額外共取生員三

百名。內滿洲一百二十名。蒙古六十名。漢軍六
百二十名。其滿洲蒙古子弟。令內院禮部會同
考試。通滿漢文者。繙譯漢字文一篇。通滿文者。
作滿字文一篇。漢軍子弟。令順天學院考試。與
民童一體出題。○九年。題准。漢軍考取廩膳生
員二十名。增廣生員二十名。不論旗分。聽學院
考取。歸併順天府學。照例每歲出貢二名。其漢
軍廩生。俱有圈撥地畝。不給廩餼。○十三年。題
准。減定考取生員名數。滿洲八十名。蒙古四十
名。漢軍一百名。○十四年。

諭。停止八旗考試。○康熙六年。題准。八旗下有願作漢文考試者。各都統開送禮部。移送順天學院。以滿洲蒙古另編一號。漢軍與漢人同場考試。文優者。卽入順天府漢生員額數內。○九年。題准。八旗滿洲蒙古取生員四十名。漢軍取生員四十名。○又題准。滿洲蒙古漢軍應試者。照漢童生例。禮部轉劄順天府府丞。先行錄取。移送學院考試。○十年。議准。漢軍照舊例出貢。滿洲蒙古既作漢文。一體考試。亦照漢軍例設廩生二十名。增生二十名。每年出貢二名。○又議准。八

旗新舊生員內。通行選拔文行兼優者。滿洲蒙古起送二名。漢軍起送二名。入監肄業。○十二年。題准。八旗照漢人生童歲科兩考例。一體考試。○又題准。盛京旗下子弟。通習漢文者。與香不掛考。○又盛京民童一體考試。漢文。滿洲蒙古編滿字號。漢軍編合字號。考取滿洲蒙古生員三名。漢軍生員二名。○十五年。議准。停止八旗考試。○二十六年。

恩詔。八旗准同漢人一體考試。遵

旨議定。滿洲蒙古照舊例取生員四十名。漢軍減二十名。
名。爭。

盛京八旗滿洲蒙古取進生員三名。漢軍減去二名。取進生員一名。鄉會試編入在京滿洲蒙古。
盛漢軍數內。一并考試。○二十八年。覆准。考取滿洲生員。宜試騎射。不能騎射者。不准考試。○又定。滿洲蒙古生員。設廩生二十名。增生二十名。每年出貢二名。漢軍生員。設廩生十名。增生十名。每年出貢一名。○二十九年。題准。奉天府滿洲蒙古漢軍考取生員。令奉天將軍副都統等。

盤驗射馬步箭。能射者交與該府丞考試。○三十一年。覆准。奉天滿洲蒙古增三名。共取生員六名。漢軍增二名。共取生員三名。○三十三年。題准。八旗滿洲蒙古。原額取生員四十名。今將鑲黃等三旗。

內府滿洲佐領管領。并五旗王府內滿洲佐領。俱歸并八旗滿洲蒙古考試。應將八旗滿洲蒙古生員。量增二十名。共取進六十名。八旗漢軍。原額取生員二十名。今將鑲黃等三旗。

內府漢佐領。并五旗王府內漢佐領。俱歸併八旗。

漢軍考試。應將八旗漢軍生員。量增十名。共取進三十名。○三十四年。題准。

盛京考取生員。今添八旗。內府滿洲漢軍佐領子弟考試。滿洲蒙古原取進內生員六名。再增四名。共取生員十名。漢軍原取進生員三名。再增二名。共取生員五名。○三十五年。題准。千丁家有佐領官品級者。有監生部用。以年滿考職者。其子弟許在

盛京八旗漢軍內。一同考試。○三十六年。題准。盛京八旗

內府佐領子弟。嗣後停其考取生員。其三十四年內添取滿洲蒙古生員四名。漢軍生員二名。額數。益俱行減去。○四十九年。覆准。奉天為

發祥重地。文風日盛。各學廩增。俱著加廣。除府學廩增十名。不必加外。滿洲額設廩增一名。各加刻千三名。漢軍額設廩增一名。各加一名。○五十五年。覆准。

昭陵千丁子弟。照三十五年

福陵千丁子弟例。在盛京八旗漢軍內。一體考試。○又覆准。奉天府合

字號童生額進二名。今漢軍人數漸多。又
福陵千丁子弟

昭陵千丁子弟。准與漢軍一體考試。應將漢軍取進之
額。量增一名。○五十七年。覆准。

永陵千丁子弟。照
福陵 昭陵 千丁子弟舊典皆載應商酌增平

昭陵例。與奉天漢軍童生一體應試。○雍正元年。題准。

盛京八旗

此三丁下原未引之
昭陵千丁子弟前二千八百八丁並未指出某

內府佐領下子弟。復同滿洲蒙古漢軍一體考試。
應照三十四年加額例。滿洲蒙古於原取六名

滿州外。再增四名。共取十名。漢軍於原取三名外。再
增二名。共取五名。合康熙五十五年所增千丁
子弟入學一名。共取六名。○又遵奉

恩詔議定。滿洲蒙古。照兩大學廣額十四名。漢軍照
一大學廣額七名。○二年。覆准。

盛京八旗考試。舊例滿號入學六名。其廩增額各
四名。合號入學四名。其廩增額各二名。今添入
內府佐領下子弟考試。既滿號加四名。共取十名。

合號加二名。共取六名。其廩增額。亦著照前二
名取一之例。將滿號加補二名。合號加補一名。

大清會典卷之十一
○又議准。八旗童生入學額數。倍於外府州縣。而廩增額數。獨少於各學。宜酌量加增。滿洲蒙古廩增原額各二十名。今加四十名。共各補六十名。漢軍原額廩增各十名。今加二十名。共各補三十名。俾考居前列者。皆得食餼。以弘鼓舞。
○又覆准。奉天滿合字號應試者頗衆。其滿字號於額取十名外。再增一名。共取十一名。合字號於額取六名外。再增二名。共取八名。
凡教養八旗生員。雍正元年。

諭。八旗滿洲蒙古秀才內。有在護軍執事人披甲上行走者。俱每月給銀三兩。米二斛。著令讀書。○五年。覆准。八旗秀才。並則因是前所收無甚荒廢。

特恩給與錢糧贍養讀書。若無考校。恐或怠於誦讀。令該旗都統。於歲考前。將領錢糧秀才。備造清冊咨部。轉送學政。照考漢秀才例。嚴加校閱。考居前等者。照常領給。居四等以下者。停其給發。遇下次考。居一等二等三等。照漢廩生開復例。仍給原領錢糧。如四等不願再考。即將學冊除名。聽其復歸護軍驍騎當差。○又議准。八旗滿洲蒙古漢軍生員。歲考每多不到。有應考者俱

列一等二等。其三等不過二人。邇來八旗文風日盛。亟宜分別等第。以示鼓舞。嗣後令八旗都統。遇歲考之年。將各佐領生員。嚴催赴考。學臣照考漢生員例。優等補廩。補增。劣等降青降社。至年老有疾。亦聽告退。准給衣頂。無故臨考不到。徑行除名。如果有丁艱。告假。患病。緣事。及隨任等情。本生據實呈明教官。申報提學。仍行恩照例補考。但八旗生員。有考試馬步箭之例。文理兼長為難。倘得通順。例居前列。如無甚荒謬。亦不必苛求。定置後等。其八旗武生。俱著照文生

員例考試發落。不得規避。○三年。覆准。盛京幅幘廣潤。其滿合生員共一百十九名。俱隸奉天府學。實則諸生散處千里之內。教官耳目所不能及。卽教誨所不能周。既無從稽其課程。又何能察其優劣。嗣後移咨將軍衙門。查明各該生居址。撥相近之州學縣學。月課季考。報舉優劣。責令該教官與本學民籍生員一體約束。遇歲考之年。令該學申送府丞衙門考試。一案發落。其托故不到者。遵例行學除名。至出貢補廩。補增。按其名次准行。至滿洲漢軍童生考試

之前。先令該將軍將各童生居址開明。咨送府丞衙門。以憑進學撥歸附近州縣等學。永遠遵行。○又覆准。奉天府學滿字號。額設廩生六名。五年一貢。積三十年。方能出貢。實為淹滯。改爲三年一貢。以示鼓勵。

凡遼學。順治初。遼東十五學。寄設永平。置三教官統之。於都司學設官一員。兼管自在。瀋陽鐵嶺。開原。四學。於寧遠學設官一員。兼管前屯。錦州。義州。右屯。四學。於廣寧學設官一員。兼管永寧。蓋州。海州。定遼。右衛。四學。其都司。廣寧。照府。

學例。設廩生各四十名。自在州。照州學例。設廩生三十名。海。蓋。錦。義。永寧。右屯。定遼。前屯。寧遠。鐵嶺。開原。瀋陽。十二學。照縣學例。設廩生二十名。諸生俱就順天府考試。○五年。改爲遼學。置教官一員。設廩額八十名。每年出貢三名。其十名色。○十年。題准。各處童生生員。願赴遼東入籍應試者。由本地方官起文赴部。送至遼東墾田附籍。○十一年。題准。遼陽設立儒學。其永平府遼生。俱歸遼學肄業。○十三年。題准。遼陽府照外府大學例。取生員四十名。遼海二縣。各取

生員十二名。○又題准。諸生現住遼陽者。在遼陽府學肄業。其願寄永平府學者。仍留永學。願還遼地者。聽令學。臣察取諸生互結。係真遼籍。方准寄永學。其永平寄學。廩額八十名。內分四十名。歸遼陽府學。至永平寄學。每案仍許進四十名。亦取遼生保結。真遼籍者。方許與考。遼海二縣學。每學先設廩生五名。俟人才漸充。仍照縣學例。每縣設廩額二十名。永平寄學。遼陽府學。每年各貢一名。遼海二學。每二年各貢一名。○十四年。題准。直省俊秀。願充遼生者。許全家

移往。令遼陽知府收入版籍。一體考試。○康熙四年。題准。奉天府考取儒童額數。承德縣考各錦縣七名。遼陽州。寧遠州。海城縣。各五名。蓋平。鐵嶺。廣寧。各二名。錦州府學四名。俟人才漸充。照直省大中小學定數再議。○五年。題准。遼生寄籍山東者。俱歸并山東各學考試。寄籍永平者。歸併永平府學考試。其山東永平寄籍遼生。并夾字號名色。俱行除去。○九年。題准。奉天府府州縣學。各設廩生一名。五年各貢。○二十四年。覆准。增設錦州府。錦縣。寧遠州。三學。每學廩

生共五名。二年一貢。廣寧縣廩生共二名。五年一貢。應設增生。各照該學廩生名數。○四十年。覆准。錦縣額設廩增五名。應照承德縣例。各加五名。廣寧縣額設廩增二名。各加一名。錦州府遼陽縣。寧遠州。海城縣。額設廩增五名。各加五名。蓋平縣。鐵嶺縣。開原縣。額設廩增一名。各加一名。○雍正二年。覆准。錦州府學原額四名。除照大學額取七名。應加三名外。再增二名。共增五名。統於府屬內。擇其文理通順者。從公取撥。奉天府學。除將承德縣額取七名。照例撥入外。

亦再增五名。另於遼陽等五屬內。擇其文理優長者。從公取撥。○三年。覆准。奉天府學民籍生員額設廩生十名。一年一貢。不過十年。出貢太速。嗣後奉天府學民籍廩生出貢之期。比照錦州府。錦縣。寧遠。遼陽等學之例。俱准二年一貢。凡衛學。順治十六年。題准。直隸山海。宣府。各衛學。邊遠無可歸併。仍准照舊。其懷來衛。永寧衛學。歸併延慶州。保安衛學。歸併保安州。龍門所學。歸併開平州。昌平衛學。歸併昌平州。嗣後童生應試。俱取州縣官廩保結。不必另立衛冊。凡

大清會典 卷一百一十六
各衛學歸併府州縣者。俱照此例。○十七年。議
准。湖廣平。清。偏。鎮。四衛。附貴州省考試。○康熙
二十六年。覆准。直隸懷來。永寧。保安。三衛。仍各
取進童生八名。其補廩出貢。亦照各縣例。至三
衛學務。仍令保安州學。延慶州學。兼攝。○三十
七年。覆准。湖廣平溪。清浪。二衛學。因改隸武昌。
相距二千五百里。鼓柁洞庭。赴試維艱。仍照舊
令黔省提調考試。○三十二年。覆准。湖廣五開
衛。照中學例。考取文武生員各十二名。卽令靖
州學教官兼攝。其補廩出貢。俱照中學例。○四

自十四年。覆准。陝西平涼衛。原無專學。又不能入
州縣學考試。應將平涼府學。改爲大學。增取童
生八名。專撥取平涼衛童生。不必另立衛學。至
補廩增出貢之處。不分民衛。俱照考案先後年
分深淺爲定。其武童亦照此例考取。○五十三
年。覆准。湖廣辰州府屬之鎮溪所。自五十四年
歲考爲始。文武童生各取進八名。○五十五年。
覆准。廣東各衛所。照各省衛學例。將廣州。前右
南海。清遠。肇慶。惠州。碣石。潮州。八衛。及南雄。龍
川。二所。各取進童生二名。其餘三十六衛所。各

取進童生一名。不必設學設官。撥入各府學教職督率。其補廩出貢。卽附入府學原額內。○五十九年。覆准。陝西涼州。並古浪所。童生考試。僅取進十二名。人多額少。嗣後增取文武童生各八名。卽附涼州衛學肄業。○雍正二年。覆准。陝西潼關衛。旣經裁汰。其生童歸華陰等州縣考試。○三年。覆准。黎平。永從。二學。半係五開衛人。不便盡撥回籍。故學臣請照平。清。二衛例。附黔考試。今奉

旨。五開銅鼓。歸黔管轄。其生童就黔考試。無容置議。

至黎平。永從。二學。自衛改縣治劃清地界爲始。隸府屬者歸府考試。隸衛屬者歸縣考試。仍將分隸之處報部。○又覆准。廣東廣州左衛十二衛。東莞等二十六所。軍戶田糧。俱歸併附近州縣。其衛所軍童生入學。原有定額名數。今一衛所戶口屯糧。有收入附近數州縣者。若各就屯糧歸併之州縣考試。則送考零星。難以考試。嗣後仍歸從前原考之州縣考錄申送。○四年。覆准。潼關衛考試。前因該衛奉裁。歸併華陰縣。今奉

旨。衛改縣治。則華陰仍照中學舊額。所改縣學。照該衛原額。取進文武生員各十二名。○又覆准。平涼衛附近屯民。編列衛籍。准赴平涼縣考試。照舊撥府學兼管。岷州衛。西固所。附近屯民。亦准赴岷州廳考試。其歸德所向係河州統轄。今河州衛雖裁。而生童考試歸併河州。其歸德所生童。亦照例附入河州考試。○又覆准。辰州府屬之鎮谿所。原未設學。自康熙五十四年爲始。取進文武童生各八名。惟廩增未開。無由出貢。嗣後酌量補廩四名。增生四名。查縣學兩年一貢。

生員補廩二十餘年。始得出貢。今鎮谿所若卽照縣學例。則出貢太驟。著俟補廩十年後。再照例兩年一貢。○又覆准。山西威遠衛學。現在廩增附生。撥入朔平府二學。老營所學。現在廩增附生。撥入寧武府二學。其神池。利民。八角。三堡。先進。寧武學者。改歸神池學。鎮西衛先進。岢嵐州學者。改歸五寨學。其餘衛所原額廩增附生。俱照改設新學。撥入縣學。造冊送部。○又覆准。凡商籍入學。順治十一年。題准。商籍入學。直隸附河間府。江南附揚州府。浙江附杭州府。俱照

大學考取儒童。撥入府學。充附肄業。其山東。山西。陝西。三處。設有運學。山東屬濟南府。陝西屬寧夏府。俱照小學考取。山西有河東運城。另設運學。照大學考取。○康熙六十年。覆准。廣東鹽商子弟。照淮浙河東例。遇歲科兩試。取進童生二十名。分撥府學及南海。番禺。二縣學肄業。○雍正二年。覆准。山東運學。止取商籍文童八名。並無武學。文武事應一體。嗣後山東商籍。准其照例。取進運學武童八名。○乾隆十年。凡土司入學。順治十年。題准。土司子弟。有向

化願學者。令立學一所。行地方官取文理明通者一人。充爲教讀。訓督猺童。其猺童中有稍通文理者。聽土官具申本縣。轉申提學道。收試入學。以示鼓舞。入學數目。提學道憑文酌定。其教讀。每年給糧銀八兩。燈油紙筆銀二十四兩。地方官動用錢糧支給。○十六年。題准。湖南辰州五寨。界接苗猺。今向化歸誠。照例設學。考取童生七名。額設廩生六名。增生八名。科舉三名。其出貢年分。照各縣例。兩年一貢。令辰州府訓導分攝。○又題准。貴州苗民向化歸順。應廣示教

訓。令該地方官查苗民中有稍通文理者。開送學道考試。擇其優者。量取送附近府州縣衛學肄業應試。不許各處士民冒籍濫入。仍令該學道酌量所取名數。准其補廩出貢。隨將定額報部存查。○十七年。題准。貴州省屬大學取進苗生五名。中學三名。小學二名。俱附各學肄業。其廩額大學二名。中小學一名。考居優等。照案幫補。至出貢原照州學二年貢二人。今苗生新進者少。暫令附大學者。三年出貢一人。附中小學者。五年出貢一人。俱另立一冊。將苗生挨年序

貢。勿與府州縣衛額數相混。俟入學人多。另照州學舉行。○十八年。題准。雲南省土司應襲子弟。令各該學立課教訓。俾知禮義。俟父兄謝事之日。回籍襲職。其餘子弟。併令課讀。該地方官擇文理稍通者。開送提學考取入學應試。○康熙二十二年。題准。雲南土官族屬子弟。并土人應試。附於雲南等府。三年一次。共考取二十五名。貴州土官族屬子弟。并土人應試。附於貴陽等府。三年一次。共考取二十五名。俱另行開造。附於各府學冊後。照例解送禮部。禮科查核。其

土司無用流官之例。應將土生不准科舉。并不准補廩出貢。但將文義通達者考取。若取不諳經書。不通文義者。將試官叅處。如不願考試。亦不必勒令應考。○二十五年。覆准。各土司官子弟。有願讀書者。准送附近府州縣學。令教官訓課。學業有成者。該撫查明具題獎勵。○三十六年。覆准。黎平府文武生員七十四名。除三名實係民籍。與部冊相符外。餘七十一名。既爲土司族屬。卽係土司。照黔省土官子弟例。將黎平府每考應取土司生員額數抵算。俟抵算完日。再

行考取。其從前未經分晰。違例送考之官。查叅議處。廩保隣佑。交該撫懲黜。○四十年。覆准。粵西土官土日子弟。有願考試者。先送附近儒學讀書。確驗鄉音。方准報名應試。若土官濫送讀書。教官不行詳察鄉音收送。試官竟行收考。及土日子弟情願考試。土官禁遏與試者。該撫題叅。交部嚴加處分。○四十三年。覆准。湖南各府州縣。有熟苗童生願考試者。許同民籍應試。其進取名數。卽入該學定額。○四十四年。議准。貴州苗民。照湖廣例。卽以民籍應試。進額不必加

增。卷面不必分別。土官土日子弟。及三十六年。取進士司文武生七十一名。照廣西土日子弟例。一體考試。○又題准。貴州仲家苗民。一體入學肄業。考試仕進。○又覆准。廣西土司之民人子弟。照貴州不分官民例。一體考試。○五十四年。題准。湖南衡永寶辰郴靖六府州屬苗徭。另編字號。於正額外。量取一二名。○雍正元年。覆准。廣西太平土州。設立學校。令生童就近肄業。酌撥養利州訓導。移駐太平土州。專司督課。其建學之資。祀典之費。俱出該土州。不得派累上

民。自雍正三年爲始。每歲科兩考。量取文武童生各四名。○三年。覆准。湖南衡永寶辰郴靖六府州所屬苗徭。向例取一二名。陶淑旣久。額少人多。嗣後歲科考試。增取三名。永爲定例。○又覆准。雲南威遠地方彝人子弟。在義學誦習。有粗通文義者。令赴元江府附考。於府學定額外。加取二名。○又覆准。黔省苗人子弟。各赴該管府州縣義學誦習。其考試。准於各府州縣歲科取士定額外。擇其文理通順者。各加取一名。凡隨任入學。順治十六年。題准。教職子弟隨任

入學者。嚴加考試。如文理明通。發回原籍肄業。其餘嚴行黜革。其文野並進。亦各收束。一各事。凡別籍寓學。順治元年。題准。設寓學於京城。遠方士子遊學者。取的當保結。准附順天府學。一體考試。又設廩額十名。照縣學例充貢。○二年。題准。寓學諸生。本年乙酉鄉試。准暫分監生中額三名。嗣後俱發回本省。如父母墳墓。向在北方。卽係土著。學臣察覆果真。許令入籍。一體應試。○康熙十年。題准。四川省士子寄籍他省入學者。各直省巡撫。查明自順治元年以來入學。

有願回籍者。令其回籍。蜀撫查明本生籍貫。方許撥入該府州縣儒學。一體考試。該學臣卽將回籍生員。註冊報部。直省各學臣。亦將回籍生員註明冊內。以便查核。如有冒籍四川。希圖應試者。本生黜革治罪。該地方官一併叅處。○又題准。安插墾荒武弁。永駐入籍。輸納糧差者。其子弟准一體考試。○十六年。議准。凡監生生員。有冒籍者。許本身赴禮部具呈舉首。免革監生生員。改正原籍。在外者。令赴提學院。道具呈舉首。免革監生生員。改正原籍。仍行報部。○三十

九年。覆准。在京冒籍生員。除入籍已經。二十年
以上者不議外。以部文到日爲始。限兩具內詳
具呈自首。改歸原籍。如過期者不准行。仍照例
黜革。○四十年。覆准。冒籍進學。久奉嚴禁。嗣後
如有彼州縣撥此州縣入學。卽許生童出首。將
不行查出之官員。該撫題參。交與該部照例從
重治罪。又嗣後如有同省異府。同府異縣。冒籍
入學。許儒童出首。將不行查出官員題參治罪。
○四十二年。題准。貴州童生。照滇省例。許同省
隔府之人應考。俟人文充盛。再行禁止。○六十年

年。覆准。直隸冒籍生員。以部文到日爲始。限兩
月內具呈自首。改歸原籍肄業。各省亦照此例
遵行。○雍正二年。覆准。貴州儒童。日漸增益。卽
下州小縣。亦可不致缺額。嗣後將考取童生。隔
府隔縣撥入別學之例。永行禁止。○又覆准。他
省之人。每臨期冒稱本省住居寫遠。頂替倩代。
無從查核。令該學政飭該地方官。并提調官。教
官。嚴行查核。如有徇私容隱等情。察出。將冒籍
之人。與頂替代倩。并保結之人。從重究治。該地
方官。并提調官。教官。照例議處。○又覆准。寄籍

生員內。有食廩挨貢者。應照康熙六十年之例。盡行改歸原籍。食廩挨貢。悉照本生年分次序。其父兄既經改歸。則子弟自不能援例冒籍。○三年。覆准。直隸冒籍生員。自康熙六十年議定。改歸原籍。限期兩月。今行至四年。猶未止息。嗣後有未經呈首者。一概不准改歸。或經察出。照例黜革。○五年。覆准。東川一府。改歸雲南。所有川省府州縣寄籍東川入學各生。令其赴雲南應試。遠涉爲難。照貴州寄籍入學。改歸本籍之例。將寄籍東川府入學各生。俱歸川省本籍各

府州縣應試。○又覆准。臺灣向因新闢。讀書者少。多係泉漳各處冒籍。今臺地文風日盛。何必借才異郡。嗣後歲科兩試。飭令該地方官。查明現住臺地。有田有屋。入籍既定之人。取具隣里結狀。方准送考。如有冒籍臺地入學者。或被旁人訐告。或經察出。定將該地方官題叅議處。本童照冒籍例治罪。至從前冒籍。已經進學之文武諸生。限兩月內。許其具呈自首。該地方官會同教官。逐一查明。俱令改歸原籍考試。如過期不行呈首。一經發覺。定行黜革治罪。

凡贊禮生。康熙二十五年。覆准。府州縣衛學贊禮生。不許濫用。應照國子監例。選擇在學肄業。文行兼優。儀表端莊。聲音宏亮者。補充。大學六名。中小學四名。考試時。准爲優等。仍行報部。○三十三年。覆准。凡地方大小各官。惟萬壽。元旦。冬至。春秋二丁祭。用生員贊禮。大中小學。均不得過四名。其准爲優等之處。著停止。

凡奉祀生。康熙二十五年。覆准。聖賢嫡裔。有充奉祀生者。仍給衣頂。確開名數報部。○雍正二年。覆准。先賢有祠宇處。查明嫡裔。給與印照。爲

奉祀生。事久弊生。無論有無祠堂。是否賢裔。但係同姓。卽給印照。各省督撫。及衍聖公。並不將奉祀生名數報部。致有假造印照。冒濫充補等弊。行令衍聖公會。同山東巡撫。學臣。核實查明。其各省奉祀生。令該督撫。學臣。通行嚴查。果係先賢嫡裔。建有祠宇。將本生履歷造冊咨部。銷毀原給印照。換給禮部印照。其冒濫者。革除。嗣後設立奉祀生。關涉衍聖公者。令衍聖公會同該撫。學臣。照例查核報部。換照。其各省由督撫。學臣。者。亦嚴查咨部。如無部照。私相批行。冒濫

人。習滿書。一習漢書。止許武官及甲兵子弟開送。文官子弟。不准開送。○康熙六年。題准。凡官學生。除入試該監照常考試外。每年禮部嚴加考試書策。分別等第。送部錄用。如某旗官學生肄業怠廢。卽開列助教教習職名叅處。○九年。題准。八旗官學生。不論文武官員子弟。令本佐領送監選補。○十一年。題准。每佐領下。裁官學生各一名。於所留官學生內。均分習學滿漢書。○十六年。題准。官學生以生員俊秀選補。如本佐領下無生員俊秀。方選補閒散人。○三十年。題准。

盛京左右兩翼。各設官學二處。各旗選取俊秀幼童十名。每翼四十名。滿學內。各二十名。教讀滿書。漢學內。各二十名。教讀滿漢書。并教習馬步箭。

盛京禮部堂官。不時稽查操演。如

盛京各部衙門有筆帖式。庫使。缺出。照例補用。又滿學內。設滿文助教各一員。漢學內。設通滿漢文助教各一員。俱由吏部考授。其漢學於盛京生員內。才學優長者。令奉天府府尹各選二名。令其教讀。學舍。由

大清會典 卷一百一十六
盛京工部撥給。○又議准。

京師八旗。除讀漢書官生外。其餘幼童。十歲以上者。各佐領於本佐領內各選一人。滿洲旗分幼童。學習滿書。滿語。蒙古旗分幼童。學習滿洲蒙古書。滿洲蒙古語。漢軍旗分幼童。學習滿書。滿語。教習馬步箭。仍令各佐領驍騎校稽查。○又覆准。

盛京左右兩翼。設立滿漢官學。其漢學。行文府尹。於
盛京生員中各取教習二名。所取係康生。既充教

習。廩糧停其支給。應照貢生。以照舊例。咨請以京師八旗教習之例。給倉米十二石。由照例地盤盛京戶部支給。其廩缺另行拔補。鄉試之年。仍照例准其鄉試。○三十四年。題准。鎮守黑龍江等處將軍所轄官兵內。有新滿洲西伯索倫達祐里等。應於默爾根地方。兩翼各設學一處。每翼員。半設教官一員。將新滿洲西伯索倫達祐里及上納貂皮達祐里等。每佐領選取俊秀幼童各一。將姓名咨送吏部。其教官。照例。○五十二年。

京師例稱爲助教。學舍該將軍撥給。○五十二年諭。將景山北止門兩旁建立官學。揀選教習。令內府佐領內管領內可教之子弟。讀習滿漢經書。其教習人員。年滿以知縣卽用。○雍正元年。覆准。新進士除選庶吉士外。揀選學問好者。令爲內外教習。年滿照例補用。○又覆准。官學滿洲西師宗室教習內廷教習。將新進士考補。其八旗教習。應將考取之新進士用一人。考取之恩拔歲副貢生用一人。京人如此分缺間補。三年期滿。新進士照扣缺進士例卽補用。恩拔歲副貢生仍照舊例咨部。以

知縣用。挨年分銓選。至捐納歲貢。不准考充八旗教習。○又題准。官學設立年久。監察人員疎忽。將現在學中子弟。確選能學者教習。不能者革退。其讀漢書子弟內能文者。令以漢文考試。雖曉文理不能作文者。令以翻譯考試。讀滿書子弟內有願讀漢書者。亦教以翻譯考試。至滿盈漢教習。向俱取用進士。其陞授中書甚速。不時更換。難覩成效。嗣後教習進士。雖補授中書。仍令在官學教習。有六年期滿。能多成就子弟者。內禮部確查移送吏部。以中書應陞之缺卽用。其

內府教習。內務府亦行查奏。照伊應陞之缺卽用。有不勤教習。行止怠玩者。指名題參。○三年。覆准。盛京八旗教習。舊例。於奉。錦。二府屬生員內考取。今各學生員就考者少。著將奉。錦。二府屬恩拔。歲副各貢生。并生員。一體與考。秉公遴選。才學優長者充職。三年期滿。咨送吏部。仍照舊敎用。○又覆准。於兩翼公所官房內。立學堂二所。設漢書教習二員。滿漢書教習二員。宗室內俊秀。有願讀漢書者。令入漢書學堂。願讀滿漢書者。

令入滿漢書學堂。其八旗亦於左右翼公所各設學堂二所。漢書教習各二員。滿漢書教習各二員。八旗人內有家貧不能延師之生童。亦隨所願讀書。入各學堂一體肄業。其漢書教習。於吏部咨取守部舉人。於國子監咨取恩拔歲副貢生。其滿漢教習。於八旗咨取舉人恩拔歲副貢生。考選才學優長。清漢精通者充職。照內教習例。給與月錢廩米。三年期滿。咨送吏部。舉人照留京進士教習例。以應補之缺卽用。貢生照國子監教習之例。以應補之缺補用。其書桌椅

大清會典 卷一百一十六
三
筮等項。交工部置辦。倘學習之人。不率教誨。係宗室。呈宗人府。係八旗生童。呈禮部。不許復入學堂。其教習行止不端。亦著禮部察訪叅處。○又覆准。設立官學。原欲清漢兼優。精通翻譯。以備部院衙門補用。可任職事。飭令國子監滿漢祭酒司業。轉飭助教教習等官。每日親臨官學。將官學生內習滿文者。教以書寫本摺字畫。習文章者。講論聖賢經傳。習翻譯者。熟翻古文淵鑑。大學衍義等書。祭酒司業。不時巡行親查。以勸勤儆惰。每月傳至國子監考試一次。分別優

劣。優者獎賞。劣者戒懲。俾有實效。毋存虛名。

社學

順治九年。題准。每鄉置社學一區。擇其文義通曉。行誼謹厚者。補充社師。免其差役。量給廩餼。優贍。提學按臨日。造姓名冊申報查考。○康熙二十五年。覆准。社學近多冒濫。令提學嚴行查革。○雍正元年。覆准。州縣設學多在城市。鄉民子弟。住居寫遠。不能到學。照順治九年例。州縣於大鄉鉅堡。各置社學一區。擇生員學優行端。補充社師。免其差役。量給廩餼。凡近鄉子弟。年十二以上。二十以內。有志學文者。俱令入學肄

業仍造姓名冊結。於學臣按臨之日。申報查考。如社學中有能文進學者。將社師從優獎賞。如怠於教習。鑽營充補。查出褫革。併該管官嚴加議處。務期啓發蒙童。成就俊乂。以備三代黨庠術序之法。

義學

康熙四十一年。覆准。崇文門外金魚池上。設立義學。康熙四十四年。覆准。崇文門外金魚池上。設立義學。

頒賜 御書題名勒石。并○正十四年。

頒匾額懸掛。至五城地方。各設小學。延塾師教育。有書文成材者。選入義學。計義學與小學。每年廩餼共三百兩。於府縣按月支給。○四十四年。議准。貴州各府州縣。設立義學。將土司承襲子弟送學肄業。以俟襲替。其族屬人等。併苗民子弟。願入

學者亦令送學。該府州縣復設訓導躬親教諭。
○四十五年。黔省府州縣衛俱設義學。准土司
生童肄業。頒發詩書文冊。○四十四年。貴州
御書文教遐宣匾額。奉懸各學。○五十三年。覆准。令各
省府州縣多立義學。延請明師。聚集孤寒生童。
勵志讀書。○五十四年。

諭。朕每年春行幸水淀。近見民生粗安。但移風易俗。莫
過讀書。况畿輔之地。王化所先。宜窮鄉僻壤。皆立義
學。該撫卽遍示莊村。俾知朕崇文好學深意。○五十
九年。覆准。廣西土屬共十五處。各設義學一所。

大清該撫選擇本省之舉人貢生學品兼優者。每屬
發往一員教讀。土屬願學子弟。如有文藝精通
者。先令就近流官州縣附考取進。其名數俟該
撫酌量人文多寡定額具題定議。至義學師儒
果能興行教化。人才蔚起。該撫據實保薦。酌量
議敘。○雍正元年。

諭。各直省現任官員。自立生祠書院。令改爲義學。延
師授徒。以廣文教。○三年。覆准。雲南威遠地方。設
立義學。令彝人子弟有志讀書者。入塾誦習。○
又覆准。黔省苗人。皆有秀良子弟。令各府州縣

浙江巡撫將林人等因實錄於○十八年

上諭十六條衍說輯為直解繕冊進呈通行直省督撫

照依奏進鄉約全書刊刻各款分發府州縣鄉

村永遠遵行○二十五年覆准○東照此奉

上諭十六條令直省督撫轉行提鎮等官曉諭各該營

伍將弁兵丁併頒發土司各官通行講讀○五

十二年覆准頒發老人

上諭載入

上諭十六條內行令直隸各省府州縣及凡土司地方

入前照例於月朔並行講解○雍正二年

御製

聖諭廣訓萬言頒發直省督撫學臣轉行該地方文武

教職衙門曉諭軍民生童人等通行講讀

各安土壘

味却糖星

峯孤文母

燈照六篇文

無命取魚

清平下流

米文如土

上諭十六條

- 一。敦孝弟以重人倫。 一。篤宗族以昭雍睦。
- 一。和鄉黨以息爭訟。 一。重農桑以足衣食。
- 一。尚節儉以惜財用。 一。隆學校以端士習。
- 一。黜異端以崇正學。 一。講法律以儆愚頑。
- 一。明禮讓以厚風俗。 一。務本業以定民志。
- 一。訓子弟以禁非為。 一。息誣告以全良善。
- 一。誠窩逃以免株連。 一。完錢糧以省催科。
- 一。聯保甲以弭盜賊。 一。解讐忿以重身命。

上諭十六條

- 一。總外甲以既盜規。
- 一。鞫讐念以重長命。
- 一。其不盡以與料數。
- 一。宗對懋以省勤弊。
- 一。臨千策以禁非為。
- 一。息強告以全貞壽。
- 一。四甄籍以舉風俗。
- 一。養本業以定其志。
- 一。黜異識以崇五學。
- 一。黜去弊以辨愚賢。
- 一。尚節儉以惜糧用。
- 一。劉學對以嚴士習。
- 一。味穢黨以息爭訟。
- 一。重農桑以足衣食。
- 一。燎養策以重人命。
- 一。諭宗社以昭衆觀。

康熙五十二年直省老人慶祝

萬壽聖節賜宴後

上諭一條

論直省老人。帝王治天下。發政施仁。未嘗不以養老尊賢為首務。今日之會。特出此意。若孝弟之念少輕。而求移風易俗。其所厚者薄矣。爾等皆是老者。比回鄉井。各曉諭鄰里。須先孝弟。倘天下皆知孝弟為重。此誠移風易俗之本也。昨甘霖大沛。朕心歡悅。爾等無負農時。速回本地。

食與報數同本此

婦對風

山報日霖大亦風心燻對爾等無

非不人言德里承天不替映奉策重九

求計屈以備其孤孤皆新矣爾等皆景天皆北回機

習道首登今日之會出北意若孝弟之念少雖而

直省未入帝王命天不發短賦本官不以發求尊

節一絲

直省未入帝王命天不發短賦本官不以發求尊

惠照正十二半直省未入製斯

雍正二年

御製

聖諭廣訓序文

書曰。每歲孟春。道人以木鐸徇於路。記曰。司徒修

六禮以節民性。明七教以興民德。此皆以敦本崇

實之道。為牖民覺世之模。法莫良焉。意莫厚焉。我

聖祖仁皇帝久道化成。德洋恩普。仁育萬物。義正萬民。

六十年來。宵衣旰食。祇期薄海內外。興仁講讓。革

薄從忠。共成親遜之風。永享昇平之治。故

特頒上諭十六條。曉諭八旗及直省兵民人等。自綱常

名教之際。以至於耕桑作息之間。本末精粗。公私鉅細。凡民情之所習。皆本享昇平之治。

睿慮之所周。視爾編氓。誠如赤子。或曰。此與下篇。聖有謨訓。明徵定保。萬世守之。莫能易也。朕纘承大統。

臨御兆人。以

聖祖之心爲心。以

聖祖之政爲政。夙夜黽勉。率由舊章。惟恐小民遵信奉行。久而或怠。用申誥誡。以示提撕。謹將

上諭十六條。尋繹其義。推行其文。共得萬言。名曰

聖諭廣訓。旁徵遠引。往復周詳。意取顯明。語多直樸。無

非奉

先志以啓後人。使羣黎百姓。家喻而戶曉也。願爾兵民等。仰體

聖祖正德厚生之至意。勿視爲條教號令之虛文。共勉爲謹身節用之庶人。盡除夫浮薄囂陵之陋習。則風俗醇厚。家室和平。在朝廷德化。樂觀其成。爾後嗣子孫。並受其福。積善之家。必有餘慶。其理豈或爽哉。

等宣示之。夫孝者。天之經。地之義。民之行也。人不
知孝父母。獨不思父母愛子之心乎。方其未離懷
抱。饑不能自哺。寒不能自衣。爲父母者。審音聲。察
形色。笑則爲之喜。啼則爲之憂。行動則跬步不離。
疾痛則寢食俱廢。以養以教。至於成人。復爲授家
室。謀生理。百計經營。心力俱瘁。父母之德。實同昊
天罔極。人子欲報親恩於萬一。自當內盡其心。外
竭其力。謹身節用。以勤服勞。以隆孝養。毋博奕飲
酒。毋好勇鬪狠。毋好貨財私妻子。縱使儀文未備。
而誠懇有餘。推而廣之。如曾子所謂居處不莊非

宗
孝。事君不忠非孝。莅官不敬非孝。朋友不信非孝。
戰陣無勇非孝。皆孝子分內之事也。至若父有冢
子。稱曰家督。弟有伯兄。尊曰家長。凡日用出入。事
無大小。衆子弟皆當咨稟焉。飲食必讓。語言必順。
步趨必徐行。坐立必居下。凡以明弟道也。夫十年
以長。則兄事之。五年以長。則肩隨之。况同氣之人
乎。故不孝與不弟相因。事親與事長並重。能爲孝
子。然後能爲悌弟。能爲孝子悌弟。然後在田野爲
循良之民。在行間爲忠勇之士。爾兵民亦知爲子
當孝。爲弟當悌。所患習焉不察。致自離於人倫之

外。若能痛自愧悔。出於心之至誠。竭其力之當盡。由是念孝弟。積而至於念念皆然。勿尚虛文。勿略細行。勿沽名而市譽。勿勤始而怠終。孝弟之道。庶克敦矣。夫不孝不弟。國有常刑。然顯然之跡。刑所能防。隱然之地。法所難及。設罔知愧悔。自陷匪僻。朕心深爲不忍。故丁寧告誡。庶爾兵民咸體朕意。感發興起。各盡子弟之職。於戲。聖人之德。本於人倫。堯舜之道。不外孝弟。孟子曰。人人親其親長其長。而天下平。爾兵民其母視爲具文焉。此等文字不可不讀

篤宗族以昭雍睦

書曰。以親九族。九族旣睦。是帝堯首以睦族示教也。禮曰。尊祖敬宗。敬宗故睦族。明人道必以睦族爲重也。夫家之有宗族。猶水之有分派。木之有分枝。雖遠近異勢。疎密異形。要其本源則一。故人之待其宗族也。必如身之有四肢百體。務使血脉相通。而疴癢相關。周禮本此意以教民。著爲六行。曰孝曰友。而繼曰睦。誠古今不易之常道也。我聖祖仁皇帝旣諭爾等以敦孝弟重人倫。卽繼之曰。篤宗族以昭雍睦。蓋宗族由人倫而推。雍睦未昭。卽孝弟有所未盡。朕爲爾兵民詳訓之。大抵宗族所

以不篤者。或富者多吝。而無解推之德。或貧者多求。而生觖望之思。或以貴陵賤。而勢利汨其天親。或以賤驕人。而忿傲施於骨肉。或貨財相競。不念袒免之情。或意見偶乖。頓失宗親之義。或偏聽妻孥之淺識。或誤中讒慝之虛詞。因而詬誶傾排。無所不至。非惟不知雍睦。抑且忘爲宗族矣。爾兵民獨不思子姓之衆。皆出祖宗一人之身。奈何以一人之身。分爲子姓。遽相視爲途人。而不顧哉。昔張公藝九世同居。江州陳氏七百口共食。凡屬一家一姓。當念乃祖乃宗。寧厚母薄。寧親母疎。長幼必

以序相洽。尊卑必以分相聯。喜則相慶。以結其綢繆。戚則相憐。以通其緩急。立家廟以薦烝嘗。設家塾以課子弟。置義田以贍貧乏。修族譜以聯疎遠。卽單姓寒門。或有未逮。亦各隨其力所能爲。以自篤其親屬。誠使一姓之中。秩然藹然。父與父言慈。子與子言孝。兄與兄言友。弟與弟言恭。雍睦昭而孝弟之行愈敦。有司表爲仁里。君子稱爲義門。天下推爲望族。豈不美哉。若以小故而墮宗支。以微嫌而傷親愛。以侮慢而違遜讓之風。以偷薄而虧敦睦之誼。古道之不存。卽爲國典所不恕。爾兵民

彼必生媿悔之心。一朝能忍。鄉里稱爲善良。小忿不爭。閭黨推其長厚。鄉黨之和。其益大矣。古云。非宅是卜。惟鄰是卜。緩急可恃者。莫如鄉黨。務使一鄉之中。父老子弟。聯爲一體。安樂憂患。視同一家。農商相資。工賈相讓。則民與民和。訓練相習。汛守相助。則兵與兵和。兵出力以衛民。民務養其力。民出財以贍兵。兵務恤其財。則兵與民交相和。由是而簞食豆羹。爭端不起。鼠牙雀角。速訟無因。豈至結怨耗財。廢時失業。甚且破產流離。以身殉法而不悟哉。若夫巨室耆年。鄉黨之望。膠庠髦士。鄉黨

之英。宜以和輯之風。爲一方表率。而好頑好事之徒。或詭計挑唆。或橫行嚇詐。或貌爲洽比。以煽誘。或假託公言。而把持。有一於此。里閭靡寧。鄉論不容。國法具在。爾兵民所當謹凜者也。夫天下者。鄉黨之積也。爾等誠遵

聖祖之懿訓。尚親睦之淳風。孝弟因此而益敦。宗族因此而益篤。里仁爲美。比戶可封。訟息人安。延及世世。協和遍於萬邦。太和蒸於宇宙。朕與爾兵民永是賴焉。持廷受之辭。一丈不嫌。廷受之寒。古香天

重農桑以足衣食

農朕聞養民之本在於衣食農桑者衣食所由出也。夫夫不耕。或受之饑。一女不織。或受之寒。古者天子親耕。后親桑。躬爲至尊。不憚勤勞。爲天下倡。凡爲兆姓圖其本也。夫衣食之道。生於地。長於時。而聚於力。本務所在。稍不自力。坐受其困。故勤則男有餘粟。女有餘帛。不勤則仰不足。事父母。俯不足。畜妻子。其理然也。彼南北地土。雖有高下燥濕之殊。然高燥者宜黍稷。下濕者宜秔稻。食之所出不同。其爲農事一也。樹桑養蠶。除江浙四川湖北外。餘省多不相宜。然植麻種棉。或績或紡。衣之所出。

不同。其事與樹桑一也。願吾民盡力農桑。勿好逸惡勞。勿始勤終惰。勿因天時偶歉。而輕棄田園。勿慕奇贏倍利。而輒改故業。苟能重本務。雖一歲所入。公私輸用而外。羨餘無幾。而日積月累。以至身家饒裕。子孫世守。則利賴無窮。不然而捨本逐末。豈能若是之懸遠乎。至爾兵隸在戎伍。不事農桑。試思月有分給之餉。倉有支放之米。皆百姓輸納。以散給爾等。各贍身家。一絲一粒。莫不出自農桑。爾等既享其利。當彼此相安。多方捍衛。使農桑俱得盡力。爾輩衣食。永遠不匱。則亦重有賴焉。若地

農朕聞養民之本在於衣食農桑者衣食所由出也。夫夫不耕。或受之饑。一女不織。或受之寒。古者天子親耕。后親桑。躬爲至尊。不憚勤勞。爲天下倡。凡爲兆姓圖其本也。夫衣食之道。生於地。長於時。而聚於力。本務所在。稍不自力。坐受其困。故勤則男有餘粟。女有餘帛。不勤則仰不足。事父母。俯不足。畜妻子。其理然也。彼南北地土。雖有高下燥濕之殊。然高燥者宜黍稷。下濕者宜秔稻。食之所出不同。其爲農事一也。樹桑養蠶。除江浙四川湖北外。餘省多不相宜。然植麻種棉。或績或紡。衣之所出。

不同。其事與樹桑一也。願吾民盡力農桑。勿好逸惡勞。勿始勤終惰。勿因天時偶歉。而輕棄田園。勿慕奇贏倍利。而輒改故業。苟能重本務。雖一歲所入。公私輸用而外。羨餘無幾。而日積月累。以至身家饒裕。子孫世守。則利賴無窮。不然而捨本逐末。豈能若是之懸遠乎。至爾兵隸在戎伍。不事農桑。試思月有分給之餉。倉有支放之米。皆百姓輸納。以散給爾等。各贍身家。一絲一粒。莫不出自農桑。爾等既享其利。當彼此相安。多方捍衛。使農桑俱得盡力。爾輩衣食。永遠不匱。則亦重有賴焉。若地

立價矣。我

聖祖仁皇帝躬行節儉。爲天下先。休養生息。海內殷富。猶兢兢以惜財用示訓。蓋自古民風。皆貴乎勤儉。然勤而不儉。則十夫之力。不足供一夫之用。積歲所藏。不足供一日之需。其害爲更甚也。夫兵丁錢糧。有一定之數。乃不知撙節。衣好鮮麗。食求甘美。一月費數月之糧。甚至稱貸以遂其欲。子母相權。日復一日。債深累重。饑寒不免。農民當豐收之年。倉箱充實。本可積蓄。乃酬酢往來。率多浮費。遂至空虛。夫豐年尚至空虛。荒歉必至窮困。亦其勢然。

也。似此之人。國家未嘗減其昔日之糧。天地未嘗不與以自然之利。究至啼饑號寒。困苦無告者。皆不節儉所致。更或祖宗勤苦儉約。日積月累。以致充裕。子孫承其遺業。不知物力艱難。任意奢侈。誇耀里黨。稍不如人。卽以爲恥。曾不轉盼。遺產立盡。無以自存。求如貧者之子孫。并不可得。於是寡廉鮮恥。靡所不至。弱者餓殍溝壑。強者作慝犯刑。不儉之害。一至於此。易曰。不節若。則嗟若。蓋言始不節儉。必至嗟悔也。爾兵民當凜遵之。可憂。醇恭留聖訓。繹思不忘。爲兵者知月糧有定。與其至不足而冀

格外之賞。孰若留有餘以待可繼之糧。爲民者知
豐歉無常。與其但顧朝夕。致貧窶之可憂。孰若留
貯將來。爲水旱之有備。大抵儉爲美德。寧以固陋
貽譏。禮貴得中。勿以驕盈致敗。衣服不可過華。飲
食不可無節。冠婚喪祭。各安本分。房屋器具。務取
素樸。卽歲時伏臘。斗酒娛賓。從俗從宜。歸於約省。
爲天地惜物力。爲朝廷惜恩膏。爲祖宗惜徃日之
勤勞。爲子孫惜後來之福澤。自此富者不至於貧。
貧者可至於富。安居樂業。含哺鼓腹。以副朕阜俗
誠民之至意。孝經有曰。謹身節用。以養父母。此庶

隆

學校以端士習。亦望齊賢。肅清文獻。以爲士者。皆

聖

祖仁皇帝壽考作人。特隆學校。凡所以養士之恩。教

古者家有塾。黨有庠。州有序。國有學。固無人不在
所教之中。專其督率之地。董以師儒之官。所以成
人材而厚風俗。合秀頑強懦。使之歸於一致也。我
士之法。無不備至。蓋以士爲四民之首。人之所以
待士者重。則士之所以自待者。益不可輕。士習端
而後鄉黨視爲儀型。風俗由之表率。務令以孝弟
爲本。材能爲末。器識爲先。文藝爲後。所讀者皆正

書所交者皆正士。確然於禮義之可守。惕然於廉恥之當存。唯恐立身一敗。致玷宮牆。唯恐名譽雖成。負慙衺影。如是斯可以爲士。否或躁競功利。干犯名教。習乎異端。曲學而不知大道。鶩乎放言高論。而不事躬行。問其名則是。考其實則非矣。昔胡瑗爲教授。學者濟濟有成。文翁治蜀中。子弟由是大化。故廣文共官。朕特飭吏部。悉以孝廉明經補用。凡以爲興賢育才。化民成俗計也。然學校之隆。學固在司教者有整齊嚴肅之規。尤在爲士者有愛惜身名之意。士品果端。而後發爲文章。非空虛之

論。見之施爲。非浮薄之行。在野不媿名儒者。在國卽爲良臣。所係顧不重哉。至於爾兵民。恐不知學校之爲重。且以爲與爾等無與。不思身雖不列於庠序。性豈自外於倫常。孟子曰。謹庠序之教。申之以孝弟之義。又曰。人倫明於上。小民親於下。則學校不獨所以教士。兼所以教民。若黌宮之中。文武並列。雖經義韜略。所習者不同。而入孝出弟。人人所當共由也。士農不異業。力田者悉能敦本務實。則農亦士也。兵民無異學。卽戎者皆知敬長愛親。則兵亦士也。然則庠序者。非爾兵民所當隆重者。

手。端人正士者。非爾兵民所當則傲者乎。孰不有君臣父子之倫。孰不有仁義禮智之性。勿謂學校之設。止以爲士。各宜以善相勸。以過相規。向風慕義。勉爲良善。則氓之蚩蚩。亦可以禮義爲耕耘。赴武夫。亦可以詩書爲甲冑。只道同風之盛。將復見於今日矣。又曰。入命限於土。心異雖於下。願學黜異端以崇正學。伏以命限於土。心異雖於下。願學朕惟欲厚風俗。先正人心。欲正人心。先端學術。夫人受天地之中以生。惟此倫常日用之道。爲智愚之所共由。素隱行怪。聖賢不取。易言蒙以養正。聖

黜

異端以崇正學

伏以命限於土

心異雖於下

願學

功以之。書言無偏無陂。無反無側。王道以之。聖功王道。悉本正學。至於非聖之書。不經之典。驚世駭俗。紛紛籍籍。起而爲民物之蠹者。皆爲異端。所宜屏絕。凡爾兵民。愿謹淳樸者固多。間或迷於他岐。以無知而罹罪戾。朕甚憫之。自古三教流傳。儒宗而外。厥有仙釋。朱子曰。釋氏之教。都不管天地四方。只是理會一箇心。老氏之教。只是要存得一箇神氣。此朱子持平之言。可知釋道之本指矣。自游食無藉之輩。陰竊其名。以壞其術。大率假災祥禍福之事。以售其誕幻無稽之談。始則誘取貲財。以

大清會典 卷一百一十一
圖肥已。漸至男女混淆。聚處爲燒香之會。農工廢業。相逢多語怪之人。又其甚者。奸回邪慝。竄伏其中。樹黨結盟。夜聚曉散。干名犯義。惑世誑民。及一旦發覺。徵捕株連。身陷囹圄。累及妻子。教主已爲罪魁。福緣且爲禍本。如白蓮聞香等教。皆前車之鑒也。又如西洋教宗天主。亦屬不經。因其人通曉曆數。故國家用之。爾等不可不知也。夫左道惑衆。律所不宥。師巫邪術。邦有常刑。朝廷立法之意。無非禁民爲非。導民爲善。黜邪崇正。去危就安。爾兵民以父母之身。生太平無事之日。衣食有賴。俯仰

無憂。而顧昧恒性。而卽匪彝。犯主章而乖國憲。不亦愚之甚哉。我前及爾之。朕祖向古。今爾來爾家。

聖祖仁皇帝漸民以仁。摩民以義。藝極陳常。煌煌大訓。所以爲世道人心計者。至深遠矣。爾兵民等宜仰

體卹其意。其訓以因國而空。其意何息。其本入

聖心。祇遵。帝王不替。日而用之。也。其本入

聖教。擯斥異端。直如盜賊水火。且水火盜賊。害止及身。異端之害。害及人心。心之本體。有正無邪。苟有主持。自然不惑。將見品行端方。諸邪不能勝正。家庭和順。遇難可以成祥。事親孝。事君忠。盡人事者。卽

足以集天休。不求非分。不作非爲。敦本業者。卽可以迓神慶。爾服爾耕。爾講爾武。安布帛菽粟之常。遵蕩平正直之化。則異端不待驅而自息矣。其主講法律以儆愚頑。收盜賊水火。且水火盜賊。害世尤良。法律者。帝王不得已而用之也。法有深意。律本人情。明其意。達其情。則囹圄可空。訟獄可息。故懲創於已然。不若警惕於未然之爲得也。周禮州長黨正族師。皆於月吉。屬其民而讀法。太司寇懸象刑之法於象魏。使萬民觀之。知所向方。今國家酌定律例。委曲詳明。昭示兵民。俾各凜成憲。遠於罪戾。

意甚厚也。不自營官。則雖外去。士氣父母。不累妻。聖祖仁皇帝深仁厚澤。洽於兆民。而於刑罰尤惓惓致

意。朕臨御以來。體好生之德。施欽恤之恩。屢頒赦款。詳審爰書。庶幾大化翔洽。刑期無刑。又念爾爲民者。生長草野。習於顛蒙。爲兵者。身隸戎行。易逞強悍。每至誤觸王章。重干憲典。因之特申訓誡。警醒愚頑。爾等幸際昇平。休養生息。均宜循分守禮。以優游於化日。舒長之世。平居將頒行法律。條分縷析。講明意義。見法知懼。觀律懷刑。如知不孝不弟之律。自不敢爲。菽倫亂紀之行。知鬪毆攘奪之

律。自不敢逞囂陵強暴之氣。知奸淫盜竊之律。自有以遏其邪僻之心。知越訴誣告之律。自有以革其健訟之習。蓋法律千條萬緒。不過准情度理。天理人情。心所同具。心存於情理之中。身必不陷於法律之內。且爾兵民。性縱愚頑。或不能通曉理義。未必不愛惜身家。試思崇蹈法網。自藉備嘗。與其宛轉呼號。愚避罪於箠楚之下。何如洗心滌慮。早悔過於清夜之間。與其傾貲蕩產。求減毫末。而國賦法究不能逃。何如改惡遷善。不犯科條。而身家可以長保。倘不自警省。偶罹於法。上辱父母。下累妻

孥。鄉黨不我容。宗族不我齒。卽或邀恩倖免。而身敗行虧。已不足比於人數。追悔前非。豈不晚哉。朕聞居家之道。爲善最樂。保身之策。安分爲先。勿以惡小可爲。有一惡。卽有一法以相治。勿以罪輕可玩。有一罪。卽有一律以相懲。惟時時以三尺自凜。人人以五刑相規。懼法自不犯法。畏刑自可免刑。匪僻潛消。爭競不作。愚者盡化爲智。頑者悉變爲良。民樂田疇。兵安營伍。用臻刑措之治。不難矣。其

明

禮讓以厚風俗。始謂之俗。其間事。亂耳。藪。以。幾。同。

漢儒有曰。凡民函五常之性。而其剛柔緩急。音聲

不同。繫水土之風氣。故謂之風。好惡取舍。動靜無
恒。隨厥情欲。故謂之俗。其間淳漓厚薄。難以強同。
奢儉質文。不能一致。是以聖人制爲禮以齊之。孔
子曰。安土治民。莫善於禮。蓋禮爲天地之經。萬物
之序。其體至大。其用至廣。道德仁義。非禮不成。尊
卑貴賤。非禮不定。冠婚喪祭。非禮不備。郊廟燕饗。
非禮不行。是知禮也者。風俗之原也。然禮之用。貴
於和。而禮之實。存乎讓。子曰。能以禮讓爲國乎。何
有。又曰。先之以敬讓。而民不爭。使徒習乎繁文縟
節。而無實意以將之。則所謂禮者。適足以長其浮

僞。滋其文飾矣。夫禮之節文。爾兵民或未盡習。禮
之實意。爾兵民皆所自具。卽如事父母。則當孝養。
事長上。則當恭順。夫婦之有倡隨。兄弟之有友愛。
朋友之有信義。親族之有欵洽。此卽爾心自有之
禮讓。不待外求而得者也。誠能和以處衆。卑以自
牧。在家庭而父子兄弟。底於肅雍。在鄉黨而長幼
老弱。歸於親睦。母犯囂陵之戒。母蹈縱恣之愆。母
肆一念之貪。遂成攘奪。母逞一時之忿。致啓紛爭。
母因貧富異形。有蔑視之意。母見強弱異勢。起迫
脅之心。各戒澆漓。共歸長厚。則循於禮者無悖行。

同也。夫身之所習爲業。心之所向爲志。所習旣專。則所向自定。書曰。功崇惟志。業廣惟勤。蓋業與志本相須而成也。但恐日久而生厭。舍舊而圖新。或爲浮言所動。或因際遇未通。一念游移。半途而廢。作非分之營求。生意外之妄想。究之朝夕營營。不恒其德。資生寡策。歷久無成。而志遂以荒。而業遂以廢矣。夫業每荒於嬉。而必精於勤。志貴奮於始。而尤勵於終。朕樂觀爾之成。不忍見爾之廢也。爲士者。謹身修行。矻矻窮年。服習詩書。敦崇禮讓。退爲有本之學。進爲有用之才。爲農者。春耕秋斂。不

祖失其時。搏節愛養。不愆於度。先事以備。水旱如期。而輸稅糧。使地無餘利。人無餘力。工則審四時。飭六材。日省而月試。居肆而事成。商則通有無。權貴下賤。交易而退。各得其所。務體公平。勿蹈欺詐。若夫身列行陣。行陣卽其業也。弓馬騎射。操練之必精。斯步伐止齊。演習之必熟。屯田則事墾闢。守汛則嚴刁斗。備邊則險要之宜知。防海則風濤之宜悉。庶幾無負本業矣。夫天下無易成之業。而亦無不可成之業。各守乃業。則業無不成。各安其志。則志無旁鶩。毋相侵擾。毋敢怠荒。寧習於勤劬。勿貪夫逸。

樂寧安於樸守。勿事乎紛華。熙熙然士食舊德。農服先疇。工利器用。商通貨財。兵資捍衛。各盡乃職。各世其業。上以繼祖宗之傳。下以綿子孫之緒。富庶豐亨。游於光天化日之下。以仰答德之宜悉。庶福歟。言朝言朝其業也。言無禍無難也。言辭訓子弟以禁非爲。各歸其德。務盡公平。心誠其辭。夫從來教萬民。訓子弟。黨正族師。月告讀法。歲時校比。師田行役。則合卒伍而簡兵器。朝夕告誡。人知自愛。不敢偶蹈於非。休哉。何風之隆歟。我早賦賦

聖祖在皇帝臨御六十年。弘保赤之仁。廣教家之治。深恩厚澤。休養生息。以至於今。朕纘承大統。仰體聖祖子惠元元之心。無日不以爾百姓爲念。尤無日不以爾百姓之子弟爲念也。人生十年曰幼學。二十曰弱冠。血氣未定。知識漸開。訓導懲戒之方。莫切於此。大凡子弟之率不謹。皆由父兄之教不先。所恃爲父兄者。啓其德性。遏其邪心。廣其器識。謹其嗜好。至於愛親敬長之念。人所固有。爾父兄誠能明示其訓。俾知父子有親。君臣有義。夫婦有別。長幼有序。朋友有信。以端其本。則大倫明而干紀犯

分之咎。自鮮矣。夫士農工商。各有傳業。軍士之家。世習技勇。其人之淑慝邪正。必自爲子弟之日始。語云。少成若天性。習慣成自然。民間非爲之事。漸漬成風。或游手好閒。博奕飲酒。或結納匪類。放肆邪侈。往往陷溺而不悟。甚者罹法網。犯刑章。爾爲父兄者。獨能晏然而已乎。與其追悔於事後。孰若嚴訓於平時。蓋行莫重於孝弟力田。心必存於禮義廉恥。可模可範。以身教之。耳提面命。以言教之。使子弟見聞日熟。循蹈規矩之中。久之心地淳良。脈行止端重。可以寡過而保家。卽可以進德而成材。

也。且庭訓素嫻。子弟克肖。則國家賓興令典。自致顯揚。旣光大爾門閭。又垂裕爾後昆。父兄俱與有榮焉。卽使愚魯不敏。而服教安化。刑辱不及於厥躬。鄉黨咸稱爲良愿。一家之休祥。孰大於是。况今日之子弟。又爲將來之父兄。積善相承。誨迪不倦。將見戶興禮讓。人敦孝義。自通都大邑。以至窮鄉僻壤。太平之象。與國俱長。庶不虛朕殷殷期勗之至意矣。夫好善。則閭閻子弟。可致尊榮。苟不善。則公卿子弟。流爲卑賤。義方之教。切磋之功。可不豫嚴於蒙穉之年乎。爾兵民其敬聽之。毋忽。

息誣告以全善良

國家之立法。所以懲不善而儆無良。豈反爲奸民開訐告之路。而令善良受傾陷之害哉。夫人必有切膚之冤。非可以理遣情恕者。於是鳴於官以求申理。此告之所由來也。乃有奸宄不法之徒。好事舞文。陰謀肆毒。或捏虛以成實。或借徑以生波。或設計以報宿嫌。或移禍以卸已罪。顛倒是非。混淆曲直。往往飾沉寃負痛之詞。逞射影捕風之術。更有教唆詞訟者。以刀筆爲生涯。視獄訟爲兒戲。深文以冀其巧中。構釁而圖其重酬。鄉里畏之。名曰

訟師。因而朋比協謀。黨惡互證。有司或不時受蔽。致使善良之輩。不能自白。桁楊在前。箠楚在後。鍛煉之下。何求不得。縱至事明寃雪。而拖累困苦。小則廢時失業。大則蕩產破家。善良之被誣可憫。而兇頑之誣善良。尤可痛恨也。

聖祖仁皇帝矜恤下民。重懲其弊。

頒示訓諭。有曰息誣告以全善良。夫誣告有反坐之條。令甲煌煌。乃敢作奸犯科而不畏者。利慾薰心。詭薄成性。方且恣其含沙之毒。僥倖於法網之寬。殊不知無情之辭。一經審察。莫可逃避。造釁以傾人。

究之布阱以自陷。亦何利之有。嘗聞古人。或認牛而不辨。或奪禾而不爭。卒開愧悔之誠。翻成禮讓之美。若斯之風。誠可嘉尚。爾兵民所當景效焉。且示尋繹。平日息訟。皆以全善良。夫訟者。亦又坐之。然聖諭。不曰禁而曰息。謂與其治之以法。不如感之使自化也。蓋官吏之見聞。或疎。疎則猶煩揣測。鄉鄰之耳目最近。近則素所稔知。爲之抉其根株。窮其黨類。出於無心者。緩語以曉之。成於有意者。危言以誡之。彼善良之家。素行足以質之。里閭而無媿。而誣告之人。言辭旣非情實。迫於公論。則不敢誣。揆

諸本心。亦不忍誣。凡前此之陰謀秘計。一旦悚然改悔。如冰消霧釋。兵不誣兵。而兵之善良者全。民不誣民。而民之善良者全。兵民不相爲誣。而兵民舉全。不至赴官終訟。兩造俱傷。庶幾從風慕義。胥天下而歸於無訟。豈不休哉。尚其咸喻而凜遵焉。

誠匿逃以免株連

朕撫臨億兆。合四海爲一家。聯萬姓爲一體。中外旗民。本無異視。第以國初定制。八旗人員。在內則拱衛京師。在外則駐防各省。如有不奉使令。潛住他鄉者。卽爲逃人。例有嚴禁。逃人所至之地。兵民

人等不行覺察。擅自容留者。罪並及之。按匿逃情。弊大約不外兩端。凡在逃之人。意氣言詞。必多巧飾。爾等或受其欺罔。不辨為逃人。而率意容留者。有之。或利其財物。明知為逃人。而通同隱匿者。有之。夫主僕之間。乃大義所在。逃人背主。蔑義窩逃者。黨不義而藐王章。逃者恃匿者以為之藪也。法安得恕。故順治五年之例。窩逃者問擬大辟。並籍其家。隣佑十家等。皆徙邊遠。康熙十五年定例。凡窩逃之正犯。流徙尚陽堡。兩隣十家長。罪止杖徒。此我

聖祖皇帝矜惜愚民。罪疑惟輕。故改從寬典也。又屢年恩詔。將逃人事件。槩行赦免。國家施法外之仁。寬督捕之罰。無非欲爾兵民革薄從忠。遷善改過。使蓬門華戶。出入優游。共享太平無事之福。爾兵民等其仰體

聖祖誥誠之慈懷。與朕諄諭之至意。謹身率教。循理奉公。不交游手無藉之徒。不為行險僥倖之事。毋徇私情。而干國憲。毋貪微利。而忘身家。如此則井里晏然。四隣安堵。胥吏不擾。鷄犬無驚。而國家刑期無刑之化。亦可以觀厥成矣。倘因法網既寬。復蹈

故轍營私受賄。藏惡養奸。則自取其辜。何能曲宥。况夫逃竄之人。性既冥頑。又無生理。所行種種不端。大而盜賊。小而賭博。一經發覺。皆犯科條。容留之家。又安能脫然事外。不罹罪譴耶。周易曰。比之匪人。不亦傷乎。晏子曰。君子居必擇隣。所以避患也。可知奸猾浮蕩之流。皆足爲善良之累。朕願爾等父誠其子。兄誠其弟。隊長誠其行伍。鄉約誠其比閭。祇奉訓詞。各遠非義。則地方寧謐。俗厚風淳。又何患株連之偶及哉。然則國家設法。以爲完錢糧。以省催科。只異漢制。雖有外實典。亦又風平。

自昔畫野分州。任土作貢。而賦稅以興。凡國之五禮百度。輸用出入。皆賴焉。此君所必需於民。不所宜供於上。古今通義。未之或改。且以制官祿。所以治我民。以給兵餉。所以衛我民。以備荒歉。所以養我民。取諸天下。還爲天下用之。人主之倉廩府庫。豈厲民而以自養耶。我朝自定鼎以來。賦額悉準經制。且橫征私派。一切革除。未嘗絲毫多取於民。溯其意以節用。其本業以養而費。其貴根

聖祖仁皇帝深仁厚澤。參養斯民。六十餘年。時以閭閻豐裕爲念。所蠲免錢糧。何止百千萬億。遐邇之霑

被固已淪肌浹髓矣。夫緩征薄歛。加惠元元。君之
德也。以下奉上。先公後私。民之職也。屬在兵民。宜
喻此意。勿惰而嬉。荒其本業。勿奢而費。耗其貲財。
勿逡巡觀望。冀邀賜復之殊恩。勿轉委輸將。致被
豪猾之中飽。依限而納。毋待追呼。然後以其所餘。
養父兄。畢婚嫁。給朝夕。供伏臘。縣庭有臥治之官。
村巷無夜呼之吏。俯仰無累。妻孥晏然。其爲安樂。
莫踰於此。倘不知國課之當重。國法之難寬。或有
意抗違。或徇情遲緩。有司迫秦銷之限。不得不嚴
追比。胥役受鞭撻之苦。不得不肆誅求。剝啄叩門。

多方需索。無名之費。或深浮於應納之數。而窳竟
所未完者。仍不能爲爾寬貸。不知何樂而爲此。未
供胥役之侵漁。曷若輸朝廷之正供。爲抗糧之頑
戶。曷若爲守法之良民。人雖至愚。亦必知之。况乎
上好仁而下好義。情屬一體。爾試思廟堂之上。所
日夜憂勞者。在於民事。水溢則爲隄防。旱魃則爲
虔禱。蝗蝻則爲撲滅。幸不成災。則爾享其利。不幸
成災。則又爲之蠲租。爲之賑濟。如此而爲民者。尚
忍逋賦以誤國需。問之於心。亦何以自安。譬人子
於父母。分產授業以後。必服勞奉養。庶盡厥職。乃

父母恩勤顧復。不遺餘力。而爲子者。自私其財。缺
甘旨而違色養。尚得謂之人乎。朕用是諄諄告
誠。但願爾兵民。上念軍國。下念身家。外有効忠之
名。內受安享之實。官不煩而吏不擾。何樂如之。爾
兵民清夜自思。其咸體朕意。朕爲爾早設限。爲
聯保甲以弭盜賊。汝等思爾堂上之親。
從來安民在於弭盜。捕發守禦之法。必當先事而
爲之備。故緝捕有賞。疎縱有罰。諱盜有禁。違限有
條。而最善者莫如保甲。東家爲甲。十甲爲保。甲有
長。保有正。設立簿冊。交察互警。此卽井田守望之

聯保甲

遺制。所以更宜。朕親蒞。至爪哇。其下。務必盡
聖祖仁皇帝上諭曰。聯保甲以弭盜賊。誠欲使四海九
州。閭閻安堵。澄本清源。朕親蒞。至爪哇。其下。務必盡

聖祖

聖慮實爲周切矣。第恐遵行既久。遂至因循。吏則徒稽

戶籍。民則僅置門牌。而於聯比糾察之法。未見實
心奉行。以至勾引窩藏之弊。種種而生。隣舍失事。
竟有如秦越之相視。富家被劫。反指爲悖出之當
然。甚且假公濟私。藉盤詰之虛名。滋無厭之苛求。
汛防因而騷擾。胥吏緣以生奸。有保甲之名。無保
甲之實。有保甲之累。無保甲之益。此盜賊之所以

難弭也。夫良法之有利於民。在奉行之必求其實。嗣後城市鄉村。嚴行保甲。每處各自分保。每保各統一甲。城以坊分。鄉以圖別。排隣比戶。互相防閑。貧甲之中。巨室大戶。僮佃多至數百。此內良否。本戶自有責任。若一屋一舍之散布村落者。有業無業。或良或否。里正保正。得以微窺於平素。未出實。得以隱察其行踪。遇有不務恒業。羣飲聚博。鬪雞走狗。夜集曉散。以及履歷不明。踪跡可疑者。皆立爲糾舉。不許暫容甲內。其荒原古廟。鬧肆叢祠。尤易藏奸。更宜加緊防察。至汛地兵丁。務必晝夜

巡邏。一體查詰。毋徇端生事。毋徇仇陷害。毋受賄賂而徇縱。毋惜情面而姑容。協力同心。輪流分派。則盜賊無容身之地。軍民享安靜之樂矣。查昔人禦盜之法。村置一樓。樓設一鼓。一家有失。擊鼓爲號。羣起而守其要害。盜賊將安所逃。所謂寓兵法於保甲中也。若夫江海出沒之區。有未可以保甲行者。舟楫往來。絡號聯踪。彼此互相稽查。匪類亦難藏匿。皆在實心奉行。先事而爲之備。若視爲具文。怠忽從事。至於被盜者失財。連坐者受累。不惟負朕息盜安民之至意。亦甚非爾等保身保家之

良策也。盜安見之。至意亦甚。非爾等。良於家。志
解讐忿。以重身命。至其姦盜。皆與相。戰坐者。受累不計。
朕惟人道。莫大於守身。民之有身。所以務本力田。
養父母而畜妻子。兵之有身。所以嫻習伎勇。資扞
衛以報朝廷。身爲有用之身。則皆當自愛。乃生人
氣質之偏。不能變化。往往血氣用事。至一發而不
可遏。激怒崇朝。竟成莫解。互相報復。兩敗俱傷。其
起甚微。而爲害甚大。不念爰書抵罪。一定之律。雖
國家法網甚寬。亦不能爲殺人者。施法外之仁。則
聖祖在皇帝。訓諭卅六條。而終之以重身命。誠哀矜悱

惻之至意也。夫天地以好生爲心。而憫憫之倫。不
自顧惜。人君以愛養爲政。而蚩蚩之衆。每至輕生。
非釁起於夙昔之讐。卽禍生於一朝之忿。強者恃
膂力之剛。殺人亡命。弱者希抵償之罪。赴水投繯。
忿以成讐。讐而益忿。原其致此之由。固非一端。而
兵民所易犯者。尤多於縱酒。蓋酒之爲物。能亂人
心志。使失其故常。或賓主酬酢。始以合歡。而俱入
醉鄉。則一言不合。至操刀而相向。或睚眦之怨。本
可冰釋。及酒酣耳熱。則一發難忍。若不共之深仇。
每見刑曹命案。相傷於酒後者。十有五六。噫。置身

縲紲。家破人亡。甚或累及妻孥。禍延鄉黨。而後拊
心自悼。悔何及矣。自今以往。皆當敬聆共之采此
聖諭。時時提醒。思讐與身孰重。毋追既往之讐。而昧將
來之患。思忿與命孰輕。毋快目前之忿。而貽事後
之悔。縱人或以非禮相加。似難含忍。然一念夫身
命攸關。則從父兄訓誨。聽親友調和。無不可情。恕
理遣。至酒之爲害。尤宜深戒。古之人。旣立之監。或
佐之史。蓋唯恐載號載呶。亂籩豆而起爭端也。其
可沉湎荒腆。致陷身於刑戮乎。語有之。忍之斯須。
乃全爾軀。故解去讐忿。則全生保家之道。胥在於

大此。養其和平。消其亢戾。不徒排難解紛。而凌競之
習。自然息化。何其風之醇也。孔子曰。忿思難。孟子
謂橫逆猶是。此亦妄人也已矣。聖賢之遺訓。與
聖祖仁皇帝之明諭。固千古同揆也。凡爾兵民。凜遵毋
忽。則閭閻相保。營伍相安。下以承家。上以報國。優
游盛世。共躋仁壽之域。非解讐忿之明效歟。

心自慎始

...

...

...

...

...

...

...

...

聖

大清會典卷之二十一



